



**Cyfarfod Cymdeithas CCYSAGau Cymru,
Rhithwir drwy Microsoft Teams
6 Ebrill 2022
10.45a.m. – 1.00p.m.**

Yn bresennol

<p>Ynys Môn / Anglesey Rheinallt Thomas (RT)</p> <p>Blaenau Gwent Kathy Riddick (KR) Chris Abbas (CA)</p> <p>Pen-y-bont ar Ogwr / Bridgend Alice Parry (AP)</p> <p>Caerffili/ CaerphillyJohn Taylor (JT) Janet Jones (JJ)</p> <p>Caerdydd / Cardiff</p> <p>Sir Gaerfyrddin / Carmarthenshire Gwyneth Thomas (GT) Aled Jones (AJ)</p> <p>Ceredigion Mary Davies (MD) Maldwyn Pryse (MP)</p> <p>Conwy Phil Lord (PL) Jennie Downes (JD) Collete Owen (CO) Roger Boon (RB)</p>	<p>Sir Ddinbych / Denbighshire Phil Lord (PL) Collete Owen (CO)</p> <p>Sir y Fflint / Flintshire Dave Mackie (DM) Jane Borthwick</p> <p>Gwynedd Paul Rowlinson (PR)</p> <p>Merthyr Tudful / Merthyr Tydfil</p> <p>Sir Fynwy / Monmouthshire Louise Brown (LB) Suzanne Gooding (SG)</p> <p>Castell-nedd Port Talbot / Neath and Port Talbot Rachel Samuel (RS) Lee Workman (LW)</p> <p>Casnewydd / Newport Neeta Baicher (NB) Huw Stephens (HS) Peter Rees (PR) Mike Daley (MD)</p> <p>Sir Benfro / Pembrokeshire</p>	<p>Powys John Mitson (JM) Mary Strong (MS)</p> <p>Rhondda Cynon Taf Donna Graves (DG) Matthew Maidment (MM)</p> <p>Abertawe / Swansea Jennifer Harding-Richards (JHR)</p> <p>Torfaen Anna Britten (AB)</p> <p>Bro Morgannwg / Vale of Glamorgan</p> <p>Wrecsam / Wrexham Libby Jones (LJ) Tania ap Siôn (TS)</p>	<p>PYCAG</p> <p>Arsyllwyr: MAGC</p> <p>CBAC Andrew Pearce (AP)</p> <p>ESTYN</p> <p>Llywodraeth Cymru</p> <p>Cyngor Addysg Grefyddol Kathy Riddick (KR)</p> <p>Eglwys yng Nghymru Elizabeth Thomas (ET)</p> <p>Gwasanaeth Addysg Gatholig Angela Keller (AK)</p> <p>Cymwysterau Cymru</p> <p>Rhwydwaith Rhyng-ffydd</p> <p>CCAC Prifysgol Cymru Elin Stock (ES)</p> <p>Cyflwynwyr Hayley Jones (HJ)</p> <p>Cofnodion (o recordiad) Jo Nicholls (JN)</p>
---	--	--	---

Cofnodion y cyfarfod

1. Cyflwyniad a chroeso

Croesawodd RS bawb (yn Gymraeg a Saesneg) i gyfarfod y gwanwyn.

Croesawyd pawb gan Mike Daley, Prif Swyddog Cefnogi Addysg, Castell-nedd Port Talbot, ar ran Andrew Thomas, Cyfarwyddwr Addysg yr Awdurdod oedd yn lletya.

Soniodd MD am heriau'r ddwy flynedd ddiwethaf i ddysgwyr ac ysgolion ynghyd â'r argyfwng costau byw presennol. Mae ysgolion ac athrawon wedi gorfod ymdopi â chwestiynau mawr gan y dysgwyr ac addasu bron dros nos i ffordd wahanol o weithio.

Mae'r rheiny sy'n gweithio mewn ysgolion yn rhyfeddol, yn wydn ac yn ysbrydoledig. Mae'r Awdurdod Lleol yn rhoi pwyslais mawr ar les disgyblion, ac mae angen i ni gofio ystyried a chefnogi'r rheiny sy'n gweithio yn yr ysgolion yn ogystal â'r dysgwyr.

Manteisiodd MD ar y cyfle i ddiolch i bawb sy'n gweithio mewn ysgolion ac i CCYSGauC am gefnogi'r ysgolion yn ystod yr amser anodd hwn.

Gyda chyflwyno'r cwricwlwm i Gymru i blant hyd at 11 oed ym mis Medi eleni a'r her i ysgolion orfod ystyried dyluniad a sut i gyflwyno'r crefydd, gwerthoedd a moeseg mandadol, ni fu rôl CCYSGauC erioed mor bwysig. Mae cyfraniad CCYSGauC yn y prosiectau niferus sy'n cefnogi a hyrwyddo addysg grefyddol ac addoli ar y cyd yng Nghymru yn amhrisiadwy. Ni fu pwysigrwydd a pherthnasedd cyfarfodydd o'r fath wrth ymateb i'r materion pwysig hyn mor amlwg ag y maent yn awr. Mae'r angen i weithio gyda'n gilydd, i rannu arfer da, i ymgysylltu â phroses y rhaglen ddiwygio ar ran pob CYSAG yn hanfodol.

Diolchodd RS i MD am ei gyflwyniad.

2. Myfyrio tawel

Dywedodd RS fod yr adeg hon o'r flwyddyn i grefydd yn adeg o fyfyrion a chadarnhau ffydd. Cristnogaeth â'r Pasg, Iddewiaeth â Gŵyl y Bara Croyw, Islam a Ramadan a Baha'i yn dathlu'r flwyddyn newydd. Mae'r digwyddiadau hyn o gadarnhad yn ganolog i bob ffydd er bod y byd rydym yn byw ynddo mewn cythrwfl. Arweiniodd RS yr aelodau drwy fyfyrddod ar y bobl hynny sy'n dioddef o ganlyniad i weithredoedd pobl eraill.

3. Ymddiheuriadau

Derbyniwyd ymddiheuriadau gan John Meredith (Blaenau Gwent) Edward Evans, (Pwyllgor Gwaith), Vicky Barlow (CYSAG Sir y Fflint), Angela Keller (Gwasanaeth Addysg Gatholig), Rachel Bendall (CCAC) a'r Cynghorydd Huw James.

4. Cofnodion y cyfarfod diwethaf ar Microsoft Teams 23 Tachwedd 2021.

Gofynnodd LB am newid ar dudalen 4, 'prif grefyddau', a ddylai ddarllen 'Cristnogaeth a phrif grefyddau eraill'.

Cadarnhaodd CO ei bod hi'n bresennol yn y cyfarfod diwethaf ac eglurodd y bydd ei henw ar restr presenoldeb Teams yn ymddangos fel 'Ysgol Gynradd' yn y cyfarfodydd nesaf. Gyda'r ddau newid hyn, cytunwyd fod y cofnodion yn gofnod cywir o'r cyfarfod a gynhaliwyd ar 23 Tachwedd 2021. Cynigiodd HS dderbyn y cofnodion ac eiliwyd gan RT.

5. Materion yn codi o gofnodion cyfarfod diwethaf CCYSAGauC

Eglurodd RS fod y materion sy'n codi o'r cyfarfod diwethaf wedi'u cynnwys ymhlith eitemau agenda cyfarfod heddiw.

Dyweddodd RB, Cadeirydd CYSAG Conwy, nad oedd yn bresennol yn y cyfarfod diwethaf a'i fod yn dymuno egluro rhywfaint am y pryder a fynegwyd am berthynas GwE â ChYSAG Conwy. Cadarnhaodd RB fod yr ALI wedi tynnu ei gymorth ariannol i'r CYSAG yn ôl. O ganlyniad, roedd RB wedi cynhyrchu cynllun datblygu tair blynedd ar gyfer gwaith y CYSAGau a'i anfon i'r Cyfarwyddwr Addysg. Roedd y Cyfarwyddwr yn gefnogol iawn a bellach mae'r cynllun wedi'i integreiddio â datblygiad y cwricwlwm newydd. Sefydlwyd partneriaeth newydd gyda'r ALI, y CYSAGau a'r athrawon. Daeth PL yn ôl fel ymgynghorydd rhan amser a bellach mae ef yn mynychu cyfarfodydd cynllunio'r awdurdod pan mae'r rheiny'n berthnasol i CGM. Mae PL yn gyfrifol hefyd am arwain tîm o athrawon i ddatblygu adnoddau i'r cwricwlwm newydd.

Nid oedd yr awdurdodau wedi llwyr ymrwymo i waith y CYSAG; fodd bynnag, mae'r Cyfarwyddwr Addysg bellach yn mynychu cyfarfodydd, ac mae ganddynt weithgor llwyddiannus, ond byddai'n fuddiol cael mwy o amser PL.

Croesawodd RS y cynnydd cadarnhaol hwn yng Nghonwy a diolchodd i RB am rannu.

6. Cynadleddau Maes Llafur Cytunedig 2022

Rhoddodd RS ddiweddariad am y cynadleddau maes llafur cytunedig a drefnir gan yr ALI. Roedd yn cynnwys canllawiau allweddol ac ymatebion gan Lywodraeth Cymru i'r cwestiynau y mae CYSAGau wedi bod yn eu gofyn i CCYSAGauC. Bydd copi Saesneg yn cael ei anfon drwy e-bost ar ôl y cyfarfod a bydd y cyfieithiad Cymraeg ar gael ar ddiwedd yr wythnos.

Prif agweddau cyflwyniad RS:

Crynodeb o'r Ddeddfwriaeth – nodau'r maes llafur cytunedig

Y maes llafur cytunedig a'r Cwricwlwm i Gymru

Penderfynu'n Lleol

Negeseuon allweddol wrth lunio maes llafur cytunedig

Ymatebion LIC i gwestiynau CCYSAGauC

- Enghreifftiau o sut mae gwahanol leoliadau/ALLau wedi ymateb

- Daw'r enghraifft gyntaf gan Libby Jones, CYSAG Wrecsam

Galwodd ALI Wrecsam gyfarfod cychwynnol i drafod Cynhadledd y Maes Llafur Cytunedig (y Gynhadledd) ym mis Ionawr 2022. Agorwyd y drafodaeth a chyflwynwyd canllawiau CGM. O'r cyfarfod hwnnw sefydlwyd gweithgor i weithio ar ran y Gynhadledd. Roedd y gweithgor hwn yn cynnwys cynrychiolwyr a wahoddwyd o'r Gynhadledd, o Ffederasiwn Penaethiaid Cynradd Wrecsam, Cymdeithas Penaethiaid Uwchradd Wrecsam, hefyd athrawon eraill ac unigolion yr ystyrid a allai helpu i baratoi'r maes llafur cytunedig drafft. Cyfarfu'r gweithgor bob pythefnos i edrych ar y canllawiau CGM yn fanwl.

Yng nghynhadledd y maes llafur cytunedig yn Ionawr ychydig o gwestiynau a gafwyd am gynnwys y canllawiau a deddfwriaeth CGM oherwydd roedd y rhain wedi'u rhannu'n flaenorol wrth ddatblygu'r canllawiau. Roedd yr aelodau'n fodlon â'r cynnwys. Roedd y cwestiynau a gododd yn ymwneud â phroses a phrotocol, ac aethpwyd â'r rhain i Lywodraeth Cymru, ac maent wedi cael sylw yng nghyflwyniad RS heddiw.

Yn hytrach na chopio'r testun o Hwb a'i roi mewn dogfen, penderfynwyd y byddai dolen o'r maes llafur cytunedig yn syth at y canllawiau CGM yn cael ei rhoi yn y maes llafur cytunedig drafft ac y byddai dolenni wedi'u hymgorffori i wahanol adrannau o'r canllawiau. Gofynnwyd i Lywodraeth Cymru ddarparu'r dolenni corfforedig hyn ar Hwb fel y gellir cysylltu'n hawdd â gwahanol adrannau.

Er bod gwybodaeth ychwanegol ym maes llafur cytunedig Wrecsam, nid gwybodaeth newydd mohoni ond meysydd penodol y byddai Wrecsam yn hoffi tynnu sylw arbennig atynt o'r canllawiau a'r ddeddfwriaeth.

Diben a bwriad y canllawiau yw i'w darllen ar-lein. Mae'n bwysig ei wneud yn hawdd ei ddefnyddio i ysgolion ac ymarferwyr. Dylai ymarferwyr yn arbennig fod yn gallu mynd i'r gwahanol adrannau yn hawdd a chael mynediad at y dolenni corfforedig i fynd at y fframwaith e.e., dolenni at y 'Pedwar Diben' a'r 'datganiad o'r Hyn sy'n Bwysig'.

Mae atodiadau ynghlwm ac mae'r maes llafur cytunedig drafft yn uchafswm o 10 tudalen. Gobeithio y caiff y drafft ei gymeradwyo ar 28 Ebrill 2022 a'i argymhell yn ffurfiol i'r ALI ar y diwrnod hwn.

Diolchodd RS i LJ.

- Daw'r ail enghraifft gan Elizabeth Thomas, Cyfarwyddwr Addysg, Yr Eglwys yng Nghymru.

Yn draddodiadol mae ysgolion o gymeriad crefyddol wedi cael maes llafur enwadol sydd wedi bod yn benodol i gredoau'r Eglwys.

Gwnaethom y penderfyniad wrth ailysgrifennu'r cyngor enwadol i ysgolion y dylem fabwysiadu'r canllawiau cenedlaethol. Dylai unrhyw gyngor enwadol i ysgolion adeiladu ar y fframwaith statudol a'r canllawiau cenedlaethol ar Hwb.

Dechreuodd y gwaith tua blwyddyn yn ôl ac mae wedi cael ei arwain gan ymarferwyr, yn adlewyrchu a thalu sylw at y canllawiau cenedlaethol. Mae'n ddogfen 'fyw', i'w darllen ar-lein gyda dolenni i Hwb. Er enghraifft, y cyngor cyfreithiol yw dolen i'r adran gyfreithiol ar Hwb, gyda chanllaw clir i'n penaethiaid/arweinwyr ysgol y dylent ddarllen hwn a deall y canllawiau cyfreithiol.

Roeddem yn sylweddoli nad oeddem eisiau cyflwyno cwricwlwm a oedd yn wahanol iawn i un ymarferwyr yn ysgolion yr ALI. Mae angen cydraddoldeb profiad i'n dysgwyr a'n hymarferwyr wrth ddatblygu'r cwricwlwm.

Mae unrhyw bethau ychwanegol a gynhwyswyd yn y ddogfen yno fel cyngor ac nid i ymddangos fel gorfodaeth. Ceir rhai manylion i helpu ysgolion i gyflawni eu gofynion i'w Hymddiriedolwyr, sy'n un peth ychwanegol i ysgolion o gymeriad crefyddol.

Rydym yn ffodus fod gennym enghraifft yn ein dogfen. Mae ar wahân i'r canllawiau ac i'w gweld ar ddiwedd y ddogfen. Mae'n adeiladau ar y teithiau dysgu fel y maent yn y canllawiau cenedlaethol, ac mae'n dangos ffyrdd a fydd yn cefnogi ysgolion wrth iddynt ystyried CGM mewn modd gwrthrychol, beirniadol a phlwriliaethol.

Rhodddwyd cyngor am ddyraniadau amser posibl ond nid yw'r rhain yn llym. Fel ysgol o gymeriad crefyddol, mae angen i CGM yn ei ystyr ehangaf fod yn flaenaf oll yn ein hysgolion ac yn bwnc arweiniol.

Wedi ystyried agweddau o adroddiad yr Athro Charlotte Williams a'r trafodaethau diweddar am bwysigrwydd CGM mewn hyrwyddo cydraddoldeb ac amrywiaeth yn y cwricwlwm, rydym wedi cynnwys cyngor ategol i'n hysgolion ynghylch hyn.

Bydd y wefan ar gael yn ddwyieithog ac ar gael i bawb wedi i'r cyfieithiad Cymraeg gael ei orffen.

Diolchodd RS i ET.

- Y Camau Nesaf

Gweithredu: Pawb – rhannu'r wybodaeth hon gyda'r CYSAG yn eich cyfarfod nesaf ac o fewn eich Cynhadledd Maes Llafur Cytunedig.

Gweithredu: Pawb – os oes cwestiynau yn codi o'r wybodaeth neu yng nghyfarfodydd y Gynhadledd, anfonwch e-bost at RS, AP neu LJ dros yr wythnosau nesaf. Gall CCYSaGAuC roi cymorth.

Mae RS yn argymhell y ddau gyfle hyfforddi yma. Bydd RS yn mynychu:

- Crefydd, Gwerthoedd a Moeseg o ran hawliau plant gan Gomisiynydd Plant Cymru, dydd Mawrth 26 Ebrill 2022

<https://www.eventbrite.co.uk/e/cyfle-hyfforddi-sesiwn-saesneg-training-opportunity-english-session-tickets-310439000407>

- Digwyddiad mewnwelediad polisi gan Lywodraeth Cymru i ddangos yr adnoddau Dysgu Proffesiynol ar-lein cenedlaethol ar gyfer CGM gyda chefnogaeth CCYSAuG, dydd Mawrth 26 Ebrill 2022.

https://forms.office.com/pages/responsepage.aspx?id=Uq4_TzS3ZEGUCRtqHRR5k-o3QIzEdh5Eu5nA5bErWa5UNzdUWU1BSDg5RUZaN0ZETVFDNzY5QjRGMC4u

Gobaith RS yw y bydd y cyflwyniad o fudd i'r grŵp hwn ac yn help gyda'r broses o gydweithio â'r ALI ar faes llafur cytunedig lleol pob CYSAG.

RT: Holodd RT a oedd hi'n wir nad oedd y gair 'Cytûn' yn cael ei ddefnyddio mwyach e.e. 'Cynadleddau Meysydd Llafur Cytûn 2022'. Mae'n debyg mai 'cytunedig' sy'n cael ei ddefnyddio.

Roedd RS wedi gwirio hyn gyda dogfen Llywodraeth Cymru a chadarnhaodd mai'r term bellach yw 'cytunedig'.

LB: Mae Sir Fynwy yn gwneud mân ychwanegiadau i ystyried yr anghysondebau yn y crynodeb deddfwriaethol.

Gweithredu: LB i anfon yr anghysondebau yma ymlaen i RS.

JHR: Abertawe. Yn dilyn derbyn cyngor cyfreithiol, maent yn cynnal archwiliad athrawon gyda phob ymarferwr am y maes llafur cytunedig er mwyn cael adborth. Fe gysyllton nhw hefyd â swyddfa'r Comisiynydd Plant ac maent yn y broses o gael adborth disgyblion. Maent y tu ôl i nifer o awdurdodau eraill wrth iddynt gyd-awduro gydag ymarferwyr a disgyblion.

Diolchodd JS i JR ac roedd hi'n cytuno fod angen i athrawon a myfyrwyr fod yn ganolog i ddatblygiad y cwricwlwm.

7. Materion Llywodraeth Cymru

- *Cyfarfodydd (Rachel Samuel)*

Mae diweddariad o'r un cyfarfod a gynhaliwyd eisoes wedi cael ei fwydo'n ôl i'r grŵp hwn. Dim diweddariadau newydd. Anfonwyd y nodiadau o'r cyfarfod ag Estyn ar 9 Mawrth 2022 fel rhan o bapurau'r cyfarfod hwn.

- *Canllawiau Crefydd, Gwerthoedd a Moeseg (Libby Jones)*

Y tro diwethaf i CCYSAGauC gyfarfod, nid oedd y canllawiau CGM wedi cael eu cyhoeddi. Fe'u cyhoeddwyd ar 10 Ionawr 2022 i ysgolion, ymarferwyr, CYSAGau a Chynadleddau eu defnyddio.

Dangosodd LJ sut i gyrchu'r Canllawiau CGM ar wefan Hwb a dangosodd y dolenni, fel isod:

- ⇒ <https://Hwb.gov.wales/curriculum-for-wales/humanities/designing-your-curriculum/#religion,-values-and-ethics-guidance>
- ⇒ <https://Hwb.gov.wales/curriculum-for-wales/summary-of-legislation/#religion,-values-and-ethics>

MM: Ydi'r termau 'mandadol' a 'statudol' yn golygu'r un peth?

LJ: Ydyn, mae'r ddau'n cael eu defnyddio fel ei gilydd. Mae'n bwysig fod ysgolion yn deall fod CGM yn un o 4 elfen fandadol y cwricwlwm.

MD: Rydym wedi holi am y termau hyn a dywedwyd wrthym am ystyried 'statudol' fel 'dylech' a mandadol fel 'rhaid i chi'.

RB: Oes gennym arweiniad ar y term 'rhoi sylw i'?

KR: Mae 'rhoi sylw i' yn golygu eich bod angen rheswm da i beidio â chydymffurfio ag ef. Mae posibilrwydd o beidio â chydymffurfio ond rhaid trafod hyn gyda Llywodraeth Cymru.

8. Cyflwyniad CCYSAGauC – Dysgu Proffesiynol (Libby Jones, Tania ap Sion)

Rhannodd TS gyflwyniad oedd yn esbonio prosiect cydweithredol CCYSAGauC a Llywodraeth Cymru a sefydlwyd i gynhyrchu cyfres o fodiwlau dysgu proffesiynol a fydd ar gael am ddim ac yn ddwyieithog ar-lein ar Hwb.

Ym mis Rhagfyr 2021, dewisodd CCYSAGauC ddeg ymarferydd arbenigol drwy broses hysbysebu. Mae'r tîm a gafodd ei recriwtio yn cynnwys arbenigedd o bob rhan o Gymru o'r blynyddoedd cynnar, cynradd, uwchradd ac anghenion ychwanegol, hefyd uwch arweinwyr a Chymry iaith gyntaf.

Mae'r tîm Prosiect o CCYSAGauC yn cynnwys LJ, KR, RB a TS ac o Lywodraeth Cymru, Rachel Hicks a Lisa Clark.

Cynhaliwyd diwrnod hyfforddiant ar 18 Ionawr i gyflwyno'r nodau, cytuno ar fodiwlau a gosod terfynau amser. Treuliwyd cyfran helaeth o'r diwrnod yn edrych ar CGM yn y cwricwlwm i Gymru o safbwynt deddfwriaethol yn ogystal ag addysgol.

Dangosodd cydweithiwr o Lywodraeth Cymru sut i greu rhestrau chwarae. Bydd y modiwlau dysgu proffesiynol hyn ar ffurf rhestrau chwarae a byddant yn eistedd ochr yn ochr â'r rhestrau chwarae sy'n bodoli'n barod ar Hwb.

Mae'r hyn a gyflawnwyd gan y tîm prosiect hyd yma wedi bod yn drawiadol. Mae'r grŵp wedi bod yn gweithio ar fodiwlau dewisol, mae ychydig o fodiwlau bron wedi'u gorffen ac mae eraill ar wahanol gamau.

Mae sicrhau ansawdd yn rhan bwysig o'r broses. Mae'r tîm prosiect yn gymharol fawr ond yn ddigon bach i weithio'n dda. Mae'r grŵp yn cynnig parhad ar draws camau gwahanol y prosiect ac mae adolygiadau cymheiriaid yn digwydd ar draws y grwpiau.

Yn ddiweddarach bydd grŵp cyfeirio llawer mwy yn rhoi sylwadau ar y sampl modiwlau drafft a bydd gan Hwb ei broses adolygu ei hun hefyd.

Wynebodd y tîm prosiect gryn heriau o ganlyniadau i'r pwysau mawr mewn ysgolion oherwydd COVID 19 ond mae'n dal wedi ymrwmo i gynhyrchu'r adnoddau safon uchel yma.

Cyflwynodd LJ gynnwys drafft y rhestrau chwarae drwy ddolen ar-lein. Mae'r modiwlau drafft presennol yn cynnwys:

- ⇒ Beth sy'n newydd i Benaethiaid
- ⇒ Beth sy'n newydd i'r Blynyddoedd Cynnar
- ⇒ Beth sy'n newydd i'r Cynradd
- ⇒ Beth sy'n newydd i'r Uwchradd
- ⇒ Beth sy'n newydd i ADY
- ⇒ CGM a'r Dyniaethau
- ⇒ CGM a Chynnydd
- ⇒ CAM a Rhifedd
- ⇒ CGM a Chymhwysedd Digidol
- ⇒ CGM a Llythrennedd
- ⇒ CGM: agwedd at bedagogiaeth (i Benaethiaid)

Mae'r datblygiad yn parhau a bydd modiwlau eraill yn cael eu hychwanegu.

Nodau i bob modiwl:

- ⇒ Darparu gwaelodlin i bob ysgol ar draws Cymru.

- ⇒ Caiff ymarferwyr eu hannog i ymgysylltu'n feirniadol. Cynhwysir enghreifftiau o rai ysgolion, ond syniadau yw'r enghreifftiau darluniadol hyn ar gyfer cynllunio ac ni fernir o reidrwydd mai dyma'r arfer gorau pendant i bob ysgol. Mae'r modiwlau hyn yn galluogi datblygu CGM yn effeithiol ym mhob lleoliad ysgol.
- ⇒ Datblygu casgliad o adnoddau – bydd yna adnoddau eraill, nid dim ond y modiwlau hyn.
- ⇒ Sgyrsiau parhaus rhwng CCYSAGauC a Llywodraeth Cymru am y cynnwys.

Rhannwyd enghraifft o restr chwarae, bydd fformat pob rhestr chwarae yr un peth.

1. Tudalen Deitl
2. Tudalen Groeso
3. Tudalen Gynnwys
4. Ymgysylltu'n feirniadol
5. Nodau
6. Prif newidiadau – Beth sy'n newid? Beth sy'n aros yr un peth? Yn cynnwys cwisiau.
7. Goblygiadau
8. Astudiaethau achos
9. Crynodeb o Bethau i'w Hystyried a myfyrio

Gohiriwyd y dyddiadau cyhoeddi oherwydd, fel y soniwyd ynghynt, pwysau absenoldebau mewn ysgolion oherwydd COVID 19.

Bydd y rhestr chwarae yn mynd i'r grŵp cyfeirio yn ystod gwyliau'r Pasg a bydd y pum modiwl cyntaf yn cael eu cyhoeddi yn hanner cyntaf tymor yr haf.

LJ: Bydd y rhestrau chwarae yn cael eu harddangos yn y digwyddiad mewnwelediad polisi a gynhelir gan Lywodraeth ddydd Mawrth, 26 Ebrill 2022, fel y nododd RS.

LB: Ydi'r ysgolion ffydd wedi'u cynnwys yn y grŵp cyfeirio ac a ellir ychwanegu at gynnwys y rhestr chwarae wrth i enghreifftiau newydd gael eu creu?

LJ: Mae ychwanegu enghreifftiau newydd yn syniad da a byddwn yn cynnwys hyn yn ein trafodaethau nesaf â Llywodraeth Cymru.

TaS: Arbrofol yw'r adnodd dysgu proffesiynol hwn i ddarganfod beth sy'n gweithio a bydd yn cael ei adolygu a'i addasu dros amser. Mae'n bwysig cadw safbwynt beirniadol drwyddi draw.

KR: Mae'r grŵp cyfeirio yn cynnwys y rheiny heb arbenigedd CGM er mwyn deall eu profiad wrth ddefnyddio'r modiwlau yn ogystal ag arbenigwyr CGM. Cynhwyswyd arbenigwyr o ysgolion ffydd yn y grŵp arbenigol a ddrafftiodd yr adnoddau.

Diolchodd RS yn ffurfiol i'r athrawon ar ran CCYSAGauC am y gwaith a wnaed gan y grŵp hwn yn ystod yr adeg heriol yma.

9. Diweddariadau:

- **Cyngor Addysg Grefyddol (REC) (Kathy Riddick)**

Penodwyd Swyddog Gweithredol newydd a bydd yr enw'n cael ei gyhoeddi yn y Cyfarfod Blynyddol nesaf ar 5 Mai 2022. Argymhellir eu gwahodd i gyfarfod CCYSAGauC yn nhymor yr Hydref.

Mae'r Cyngor wrthi'n datblygu'r fframwaith i'r prosiect Bydolygon. Derbyniwyd mynegiannau o ddiddordeb a bydd yn cael ei gyhoeddi ar ôl iddi gael ei ysgrifennu y flwyddyn nesaf. Prosiect diddorol ond nid yw'n cyd-fynd yn union â'r cwricwlwm yng Nghymru.

○ **EFTRE (Phil Lord)**

Llongyfarchodd RS PL ar ymgymryd â rôl cynrychiolydd CCYSAGauC ar EFTRE.

Cyfarfu EFTRE ar-lein yn ddiweddar. Mae yna wefan newydd – www.eftre.net. Agwedd fwyaf gwerthfawr y wefan yw'r adran adroddiadau o'r gwledydd. Gan ei bod yn wefan newydd, anogir aelodau gwledydd EFTRE i roi diweddariadau.

Gweithredu: Bydd PL yn creu adroddiad byr o'r cyfarfod i'w gynnwys yn y cofnodion.

Mae Cymru'n rhan o brosiect EFTRE 'Beth mae Covid 19 yn ei ddatgelu i arbenigwyr AG?' Arolwg pan-Ewropeaidd oedd hwn o ymarferwyr crefyddol. Cwlbhaodd PL yr arolwg ar ran CCYSAGauC. PL i hysbysu'r grŵp pan gyhoeddir y canlyniadau.

Trafodwyd y gynhadledd a gynhelir yn Rhufain, y Thema yw "Bridge over Troubled Waters - RE in changing times' Mae'r amseroedd sy'n newid yn cyfeirio at newid hinsawdd, y pandemig, rhyfel a Brexit.

Bydd papurau ymchwil yn cael eu datblygu o ganlyniad i'r gynhadledd. Mae hi ar agor hefyd i athrawon a'r rhai sy'n creu meysydd llafur. Bydd adnoddau digidol megis recordiadau o seminarau ar gael ar-lein ar ôl y gynhadledd. Bydd rhai o'r deunyddiau rhithiol yn berthnasol i Gymru.

Mae PL yn argymhell fod aelodau CCYSAGauC yn hysbysu eu CYSAGau am waith EFTRE, ei wefan a'r nodiadau o'r cyfarfod.

Mae EFTRE yn chwilio am wlad i groesawu cynhadledd 2025. Roedd PL yn meddwl tybed a hoffai Cymru fod y wlad sy'n lletya. Yn 2025, bydd y cwricwlwm newydd i Gymru wedi cyrraedd blwyddyn 10 a bydd yn 'taro' ein grŵp blwyddyn arholiad. Gallai Cymru gynnig prif siaradwyr.

Trefnwyd gweithdy ar-lein gan EFTRE o'r enw 'Longing for peace – strategies for the RE classroom'. Fe'i darparwyd gan Norman Richardson.

Bydd PL yn rhoi gwybod am unrhyw weithdai yn y dyfodol ac mae'n argymhell fod y grŵp hwn yn sôn amdanynt wrth athrawon.

CA: Yn pryderu mewn addysg nad yw achosion rhyfel a sut mae eu hatal yn cael sylw? Sut ydym yn edrych ar wleidyddiaeth ryngwladol ac ystyried y byd fel un? Angen i hyn fod yn greiddiol i addysg.

MS: I dawelu meddwl CA, ym Mhowys, mae gan y cwricwlwm cynradd, yn arbennig, brosiectau ar wrthdaro, sut gellir mynd i'r afael â gwrthdaro, deall empathi, crefyddau

gwahanol, a datrys heb wrthdaro. Pwyslais ar ddeall fod angen parchu pobl a bod gan bawb ei safbwynt.

JHR: Gan fod yr enw wedi newid i CGM, bydd disgwyl i'r rhai sy'n dylunio'r cwricwlwm gyflwyno gwerthoedd a moeseg. Bydd cyfle i ddangos cydymdeimlad a rhannu gwerthoedd yn ganolog yn ein pwnc. Byddwn yn symud ymlaen ar yr agwedd hon yn fwy na'r rhan fwyaf o bynciau eraill.

LB: Yn y crynodeb Deddfwriaethol mae sôn am argyhoeddiadau athronyddol sy'n cynnwys newid hinsawdd a grëwyd gan ddyn ac mae hefyd yn cynnwys heddychiaeth sy'n gysylltiedig â'r drafodaeth flaenorol am heddwch.

- **MAGC (Paul Morgan)**

Yn absenoldeb PM, dywedodd Trysorydd MAGC, RT nad oedd dim i'w adrodd

- **Rhwydwaith Rhyng-ffydd (Libby Jones)**

Gwahoddwyd LJ gan y Rhwydwaith ar ran CCYSAGauC i gyflwyno yn y cyfarfod cenedlaethol diweddaraf, 'Working in partnership for the common good'.

Gyda chefnogaeth Aelodau Pwyllgor Gwaith CCYSAGauC, cafwyd cyflwyniad yn un o'r gweithdai. Roedd gan y Rhwydwaith ddiddordeb mewn gwybod sut mae CYSAGau yng Nghymru yn ymgysylltu ag ysgolion ac yn hwyluso cysylltiadau rhwng ysgolion a grwpiau ffydd a chred.

Aeth pethau'n dda, a chafwyd cwestiynau am yr enw CGM. Nid oeddent yn poeni am gwmpas y pwnc ond am effaith yr enwau CYSAG a CCYSAGauC. Roedd y Rhwydwaith yn poeni y bydd CYSAGau yn newid eu henw.

Fel grŵp nid yw CCYSAGauC wedi trafod y newid enw ond mae'n tybio y bydd yn cael ei newid gan y byddwn bellach yn cefnogi'r Cynadleddau Maes Llafur Cytunedig.

Bydd LJ yn rhoi dolenni i Twitter a Facebook yn y sgwrs Zoom sy'n dangos y drafodaeth yn dilyn cyflwyniad LJ.

RS: Bydd enw CCYSAGauC yn cael ei drafod ac o bosibl ei ystyried yng nghyfarfod nesaf y Pwyllgor Gwaith. Byddent yn ddiolchgar i dderbyn awgrymiadau.

Gweithredu: Pawb: Anfon unrhyw awgrymiadau am newid enw CCYSAGauC i RS.

- **Diweddariad PYCAG (Paula Webber)**

Gan nad oedd PW yn dda, canslwyd cyfarfod swyddogol PYCAG. Roedd rhai o aelodau PYCAG wedi cyfarfod i drafod y cwestiynau am Gynadleddau'r Maes Llafur Cytunedig.

- **Adroddiad o'r Pwyllgor Gwaith a gynhaliwyd ar 7 Chwefror 2022 (Rachel Samuel)**

Bydd RS yn rhannu diweddariad manwl drwy e-bost.

Y brif drafodaeth oedd y newid arfaethedig i gyfansoddiad CCYSAGauC. Dyma'r fersiwn o'r ymgynghoriad a anfonwyd i'r grŵp hwn ac i'r CYSAGau tua 2 fis yn ôl.

Diolchodd RS i'r CYSAGau sydd wedi ymateb. Ystyriwyd pob ymateb a'u hymgorffori lle'n briodol yn fersiwn ddiweddaraf y cyfansoddiad arfaethedig.

Gweithredu: Unrhyw sylwadau pellach gan GYSAGau i'w derbyn cyn gynted â phosibl ac erbyn dydd Gwener 13 Mai.

Mae cyfarfod nesaf y Pwyllgor Gwaith ddydd Mawrth 17 Mai. Bydd y fersiwn wedi'i diweddarau yn cael ei hanfon, a'i hystyried yn y Cyfarfod Blynyddol ddiwedd Mehefin.

Diolchodd RS i JM, o'r Pwyllgor Gwaith, am gymryd y cyfrifoldeb o redeg y wefan o ddydd i ddydd.

Cynhyrchwyd ymwadiad i'w ddefnyddio wrth rannu adnoddau trydydd parti. Mae'r ymwadiad yn egluro y gallai'r adnoddau hyn fod yn fuddiol, ond nad yw CCYSAGauC o reidrwydd yn cymeradwyo'r adnoddau.

Gwnaed penderfyniad ynghylch rheolaeth fersiwn cofnodion cyfarfodydd CCYSAGauC a'r Pwyllgor Gwaith. Mae fersiwn ddiweddaraf y cofnodion yn mynnu bod y Cadeirydd yn eu llofnodi a'u dyddio ac mae'r rhain yn cael eu cadw'n ddigidol gan yr Ysgrifennydd.

Trafodwyd ethol aelodau newydd i'r Pwyllgor Gwaith, mae tair sedd ar gael ynghyd â'r Is Gadeirydd. Cadarnhaodd RS y bydd ei thymor dwy flynedd hi fel Cadeirydd yn dod i ben yn yr Haf ac y bydd TS yn cymryd drosodd fel Cadeirydd.

Dylid anfon enwebiadau ar gyfer y swyddi erbyn 8 Ebrill 2022 i'r Ysgrifennydd neu'r Is Ysgrifennydd.

Bydd CCYSAGauC yn gofyn i'r enwebeion ysgrifennu portread byr, a fydd wedyn yn cael ei anfon i'r CYSAGau, a bydd pleidlais yn y Cyfarfod Blynyddol yn yr Haf.

Diolchodd RS i PW am lenwi arolwg EFTRE ar ran CCYSAGauC ac o safbwynt Cymreig.

Adroddir am y cyfarfod ag Estyn yn y papurau. Soniwyd am y cyfarfod â Llywodraeth Cymru ynghynt yn y cyfarfod hwn.

Cynhaliwyd cyfarfod gyda CBAC a chadarnhawyd gwybodaeth ymlaen llaw am gwestiwn D Uned 1 TGAU i bawb.

GWEITHREDU: Bydd y dogfennau canlynol yn cael eu rhannu gan AP drwy e-bost: Diweddariad o Bwyllgor Gwaith CCYSAGauC a'r ddau gyflwyniad o gyfarfod heddiw.

PR: Gofynnodd a oedd adroddiad Estyn ar gael yn Gymraeg?

GWEITHREDU: AP i anfon adroddiad Estyn i'r cyfieithydd.

10. Gohebiaeth (Alice Parry)

CA: Hysbysodd y grŵp am y gynhadledd fyd-eang – 'Building Vibrant Communities' i'w chynnal 15-17 Ebrill 2022

NB: Hysbysodd y grŵp am ddathliadau Visakhi ar 14 Ebrill i Sikhiaid a rhai Hindŵiaid.

11. Unrhyw fater arall (i'w cytuno cyn y cyfarfod gyda'r Cadeirydd)

RS: Ymddiheuriadau nad yw MS Teams yn galluogi cyfieithu o'r Gymraeg yn anffodus. Bydd cyflwyniadau a phapurau ychwanegol yn cael eu hanfon ar ôl y cyfarfod a byddant ar gael yn ddwyieithog yn syth ar ôl iddynt gael eu dychwelyd gan y cyfieithwyr.

12. Dyddiad y cyfarfod nesaf

Y dyddiad dros dro ar gyfer y cyfarfod nesaf a'r Cyfarfod Blynyddol y229 Mehefin 2022. Bydd ar-lein ac yn cael ei letya gan Sir y Fflint.

Daeth y cyfarfod i ben am: 1.01p.m.

DRAFT